

Tlanawatilis kampa timo machotis tla tik temoa ties tekiwah 2026 itech se Tekichiwaloyan Pehpenalistli Tlaxilaltlalpan

In Tekichiwaloyan Tlalnantsin Pehpenalistli (INE), motenkixtia ika in Dirección Ejecutiva del Servicio Profesional Electoral Nacional, kampa kin tlanawatilia in chanehke tla kinekih tekiske itech in Kwalli Tekitl Pehpenalistli Tlaltikpak (Servicio Profesional Electoral Nacional) ik in Tekichiwaloyan Pehpenalistli Tlaxilaltlalpan, inin tlanawatilis pampa timo machotis wan tik nekis tik tlanis inin tekitl 2026.

I. Tlen moneki sek ahsis

Se tlaphepenas ika se chiwalistli kampa monextis pampa nochtin in chanehke wan pampa akin okachi kwalli kias in tekitl nik omo machtih pampa non tekitl, pia wey tlamachilis, amo senkawkawa in tekitl wan paktia tekitis pampa in chanehke, nochi nin moneki pampa in tekitl ik tlamantli pehpenalistli itech in Tekichiwaloyan Pehpenalistli Tlaxilaltlalpan (OPLE).

In Tekitl-Tlatlanilis pampa nochtin, kiteoma chikawas in tekitl pehpenalistli itech in Tlaxilaltlalpan ika chanehke kampa kwalli kiyek chiwaske in tekitl, nihki ma tlapalewikan pampa mochiwas se kwalli chiwalistli pehpenalistli, amo mamopapanawikan wan maktakan in chanehke kwalli mochiwa nochi wan ma momalwikan nin nawatilis-pehpenalis ik in chanehke.

II. Pampa tlen chanehke nin tlanawatilis

Kwalli momachotiske in chanehke mexikameh tla kinekih yeske itech in Kwalli Tekitl Pehpenalistli Tlalnantsin (Servicio Profesional Electoral Nacional) ik in Tekichiwaloyan Pehpenalistli Tlaxilaltlalpan (OPLE), welitiske tla kipiah kwalli ni amameh ken ihkwilohtok itech in Tlanawatilis wan mak teititikan kipiah se wey tlamachilis wan omo machtihke pampa inon tekitl. Nihki, kwalli mo machoiske akin chitekiti itech in Kwalli Tekitl Pehpenalistli Tlaltikpak (Servicio Profesional Electoral Nacional) wan temoa okse tekitl okachi tlakpak, tla ke nochi kipia tlen ki tlahtlani in Tlanawatilis.

III. Tlen moneki pampa kwalli timo machotis

- Ties se chanehke mexikatl wan tik yekpias kwalli inmo nawatilistli.
- Tikpias inmo amatl-ixmatilis pampa ika ti tlapehpena kampa ayamo panao ni kawil.
- Amo tika ika se tlalololin (partido político)
- Amo omits machoti se tlalololin (partido político) pampa mits pehpenaske kampa ties tekiwah itech ninke yei xiwitl ik yo panokeh.
- Amitla mits tsakwilia pampa kwalli ties se tekiwah.
- Kitaske tlen otimo machti wan tlen yo titekit, kox kwallika pampa in tekitl.
- Tikin panoltis nochtin in kawilistli pampa tik pias in tekitl
- Tik teititis in amatl '8 ik 8 pampa amo se mahmayawis' moneki kpias inmo matlahkwilol.

IV. Sekitas amakah maki pinawikan wan kwalli mo machotis

Inin tekitl-tlatlanilis pampa nochtin 2026 mochiwas kwalli pampa nochtin welitiske mo machotiske, amo kin tlawelitaske wan kwalli mo tenkixtiske. Awel kin pinawiske seki nik masewalmeh o nik okse ni tlanantsin, ni tlahtol, ni xiwitl, nik itla amo kwalli ka itla ipan ni nakayo o ni tlamachilis, mo ixpantlalia ika okse nakayotl wan tlamachilis, amo kwallika ni yelistli, nik neltoka o kipia se ni teotsin o itla okse tlamantli.

Pampa kwalli mo machotiske nochtin in chanehke ik temoah in tekitl, mochiwas okseki amameh kampa kwalli mo machotiske wan tlanankiliske in chanehke tla itla kipia itech ni nakayo kamapa awel chivaske itla kemen okseki chanehke, mo nextis se Tlanawatilis ika ni tlahtol nantsin in masewalmeh; seki tepostin kampa tlapalewiske wan sek matis okachi ik nin Tlanawatilis; mo patlas in kawil pampa in tlatlanilis wan se kin palewis itech in Tlanankilis tla ke ihkon monektas, nihki yeske akin Tlahtolkwepa ika nin Mawan o tla moneki se kinpalewis pampa mo oliniske, wan itla okse monekis.

V. Kawilistli pampa sekiplas in tekitl 2026

Mochiwas chiknawi kawilistli ipan ninkeh kawil pampa se kitas akin mokawa ika in tekitl:

Actividad Tlen mochiwas	Periodo Kawil
Monextis in tlanawatilis	30 ik chikome mestli kampa 14 ik chikwey mestli ik 2026
Machotilis wan pampa tlen tekitl	7 kampa 14 ik chikwey mestli ik 2026
Telwiske kox kema asiske pampa tlanankiliske in amatl tlahtlanilistli	24 kampa 28 ik chikwey mestli ik 2026
Nin tonal in tlanakiliske in amatl tlahtlanilistli	19 ik chiknawi mestli ik 2026
Kin temakaske in amameh pampa kitaske kox kwalli kateh	10 kampa 16 ik maktlahtli mestli ik 2026
Kin chiwiliske se tlahtlanilis pampa kitaske keninka ni tlamachilis	7 ik maktlahtli se mestli ik 2026
Kin tlahtoltiske	Pewaske in 18 ik maktlahtli se mestli ik 2026
Monextis tlen poal oki kixtihke itech in tlahtlanilistli	Mochia seknextis impan chikome tonal ik maktlahtli ome mestli ik 2026
Ihkwilol sentlaliah akin mokawah ika in tekitl	Pewas in 21 ik maktlahtli ome mestli ik 2026

VI. Nikan kwalli tik ahsis okachi tlanawatilis

Nochi tlenmonextis ik in Tlanawatilis pampa in tekitl, mochiwas itech in tepos amatl ik in INE: www.ine.mx.

Tla itla amo tik yekmati tlen tosneki o tikneni mits palewiske, kwalli timonotsas in **INETEL**, ika inin poal **800 433 2000**, o titlani se tlahkwilol itech nin tepos amatl concurso-ople.spen@ine.mx, ik se tonal kampa makwil tonal, ik 9:00 kampa 18:00 kawil, kawil tlahkoyan.